

Broj: 01-11-4-405-41/23

Sarajevo, 21.08.2023. godine

Na osnovu člana 69. stav (3) Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine i broj: 07-02-312-26/23 od 30.06.2023. godine, federalni ministar raseljenih osoba i izbjeglica **donosi**

ODLUKU O OTKAZIVANJU POSTUPKA JAVNE NABAVKE

I

Otkazuje se postupak javne nabavke radova niskogradnja, broj Obavještenja o nabavci sa portala javnih nabavki: 668-1-3-16-3-36/23, iz razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Otvoreni postupak javne nabavke radova – niskogradnja, pokrenut je Odlukom o pokretanju postupka javne nabavke, broj: 01-11-4-405/23 od 20.03.2023. godine, broj Obavještenja objavljenog na Portalu javnih nabavki 668-1-3-16-3-36/23 od 28.04.2023. godine. Procijenjena vrijednost nabavke je iznosila 36.000.000,00 KM bez PDV-a, te je bilo predviđeno zaključivanje okvirnog sporazuma sa više dobavljača na period do tri godine.

Predviđeno i planirano trajanje okvirnog sporazuma u konkretnom postupku javne nabavke, u trenutku izrade Plana nabavki i pokretanja postupka nabavke je bilo tri godine. Međutim, Vlada Federacije BiH je na svojoj 10. sjednici, dana 02.08.2023. godine, donijela i objavila novi Program rada Vlade Federacije Bosne i Hercegovine za period 2023. – 2026. godina, kojim je u cjelosti redefiniran strateški okvir Vlade Federacije BiH, opredjeljenje i prioriteta programa razvoja Federacije BiH, mjere i aktivnosti za realizaciju ciljeva Vlade Federacije BiH, donesenim primarno u skladu sa Programom ekonomskih reformi, Agendom 2030., Zelenom agendom i drugim razvojnim strateškim dokumentima, kao u Programu. U predmetnom Programu rada Vlade Federacije BiH za period 2023. – 2026. godine dat je i pregled aktivnosti, mjera i ciljeva i svih Ministarstava u Vladi Federacije BiH pojedinačno, a time i ovog Ugovornog organa, a kojim, u konačnici, nije planiran dugoročni, konkretno trogodišnji program projekata niskogradnje, u obimu i na način kako je to bilo prvobitno planirano u trenutku pokretanja postupka nabavke.

Imajući u vidu navedeno, usvajanjem novog strateškog okvira Vlade Federacije BiH, a kojeg je ovaj Ugovorni organ neposredni i neodvojivi segment i realizator istog, u odnosu na planirani obim konkretnog predmeta nabavke, predviđenog trajanja okvirnog sporazuma po ovom postupku i prvobitno procijenjene vrijednosti nabavke, za ovaj Ugovorni organ je novonastala okolnost koja nije u okviru uticaja i izvan je kontrole ovog Ugovornog organa, te u cjelosti nepredvidiva u vrijeme pokretanja postupka konkretne javne nabavke. Za ovaj Ugovorni organ je izostao programski temelj za nastavak postupka nabavke u obimu i na način kako je predviđeno Planom nabavki, pri tom u cjelosti izvan uticaja i kontrole ovog Ugovornog organa.

Imajući u vidu naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke.

MINISTAR

Nerin Dizdar

Dostaviti:

1. Svim ponuđačima u postupku
2. a/a